

Recenzija „Brojevi koji ravnopravnost znače 3.: Analiza rezultata istraživanja problema i potreba LGBTI osoba u Bosni i Hercegovini u 2023. godini“ (91 stranica, izdavač: Sarajevski otvoreni centar, 2023.)

Publikacije *Brojevi koji ravnopravnost znače 3.: Analiza rezultata istraživanja problema i potreba LGBTI osoba u Bosni i Hercegovini u 2023. godini* u ediciji „Ljudska prava“ Sarajevskog otvorenog centra predstavlja nastavak izdanja istraživanja sprovedenih 2013. (*Brojevi koji ravnopravnost znače*) i 2017. (*Brojevi koji ravnopravnost znače 2*).

Publikacije u uredništvu Emine Bošnjak i Darka Pandurevića sadrži ključna poglavlja: *Sažetak, Uvod, Osnovni pregled strukture uzorka, Svakodnevni život LGBTI osoba, Demografska struktura uzorka, Upitnik* te *O Sarajevskom otvorenom centru*. Samo istraživanje obrađeno i diseminirano u publikaciji omogućava demografski uvid u stavove i percepciju LGBTI u bosanskohercegovačkom društvu te dopušta dubinsko razumijevanje problema i specifičnih potreba LGBTI osoba.

Kroz demografske metode prikupljana podataka je istražen svakodnevni život LGBTI osoba u oblastima: ekonomskog položaja, diskriminacije i nasilja koje doživljavaju, odnosu prema institucijama, psihološkom blagostanju, zajednicama istog spola, povorci ponosa te pravnog prepoznavanje roda i rodni identiteta. Bitno je napomenuti da je uzorak korišten za ovo istraživanje pohvalno raznovrstan te uključuje 401 osobe s različitim dobim, rodnim, vjerskom, etničkim i klasnim strukturama. Način prezentacije i interpretacije podataka u publikaciji je vješto vizuelno predstavljen kroz upotrebu grafika što potencijalnom čitalaštvu omogućava interaktivno i prohodno prolaženje kroz tekst.

Publikacije *Brojevi koji ravnopravnost znače 3* je utoliko korisna što na osnovu dobivenih podataka nudi niz preporuka koje se odnose na poboljšanje položaja LGBTI osoba u bosanskohercegovačkom društvu kako bi se prevazišli problemi koji uključuju „nedostatak pristupa zdravstvenoj zaštiti, manjak socijalne podrške, ekonomskih mogućnosti te manjkavosti u zakonodavstvu koje im ne pruža odgovarajuću zaštitu“ (str. 5). Zarad svega navedenog jasno je da se radi o korisnoj studiji koja služi za izgradnju pravičnijeg i inkluzivnijeg društva te je stoga iz srca preporučujem za objavljivanje.


Matej Vrebac

MA italijanskog jezika i književnosti i komparativne književnosti
Zlatna značka Univerziteta u Sarajevu
vrebacmatej@gmail.com